

استغاثة مزارعي الدقهلية بعد تفاقم الديون عليهم .. "هنسدد مينين؟"



الاثنين 18 يوليو 2016 03:07 م

تفاقمت أزمة ديون المزارعين والمتعثرين عن سدادها لبنوك التنمية والائتمان الزراعي بمحافظة الدقهلية، ويشكو الأهالي من استدراج البنوك لهم وإيهاهم بأن القرض حسن بدون فوائد، على عكس الواقع، حيث تصل الفائدة لـ 7% أو 12.5% حسب نوع القرض

حيث يقول ناجي العربي، محامي مجموعة من المزارعين، أن المزارع يذهب للبنك ويقترض منه ثم يفاجأ بعد 6 أشهر بأن البنك يطالبه بالسداد أو تدويره، وتزيد الفائدة مرة أخرى، ما أدى لتراكم الديون على المزارعين، وترك أغلبهم الزراعة ولجئوا إلى مهن أخرى

وقال السيد محمد جمعة، أحد مزارعي الدقهلية: "هنسدد إيه ولا إيه؟ دي الحكومة مأجرة الأرض ومش عارفين نسدد، وعشان أسدد هاشتغل حرامي أو بلطجي أو نصاب، أجيّب مينين؟".

وقال سلامة الدسوقي، أحد مزارعي الدقهلية: «أنا مأجّر أراضي حكومة، الإيجار كان 250 جنيهه بقى 4 آلاف جنيهه، أسدد مينين ولا أدفع مينين؟ وري وسمد وغيره، غير الأنفار ومياه، مفيش طيب نروح فين؟".

وقال محمود عبد الله، أحد مزارعي الدقهلية: "تدهورت الزراعة ومش جايه همها، أزرع وأتعب وأجيّب سمد وأنفار يشتغلوا علشان محصولي، وفي الآخر بطّاع مديون".

وأضاف عبد المقصود: "الحكومة سايبانا تتداين ومفيش أي تدخل منها والمحصول مش بتلاقي اللي يشتريه، ده لو الأرض جابت محصول، غير السمد والكماوي وكله بالفلوس، وأنفار وعمال وسمد وري وحرث وتقصيب، وكل ده على قلب الفلاح، وفي الآخر البنك ياخذ اللي طلع من الزرعة يا يجبسنني".